

# **Badische Landesbibliothek Karlsruhe**

## **Digitale Sammlung der Badischen Landesbibliothek Karlsruhe**

**Meditationum evangelicarum pars secunda, hoc est:  
Solida, ad descendam & exercendam, ex evangeliis tam  
dominicalibus quam festivalibus Christi & sui-ipsius  
notitiam, informatio**

**Creide, Hartmann**

**Francofurti ad Moenum, 1682**

Exordium

[urn:nbn:de:bsz:31-126164](#)

# Dom inica XI. post Trinitatis.

*Evangelium Luc. 18. v. 9....14.*

## EXORDIUM.

**V**enerunt aliquando duæ mulieres weretrices ad Regem Salomonem, afferentes duos infantes, quorum alter vivus, alter mortuus erat, & hunc mater in somnis oppresserat: haec rixabantur inter se, utraque puerulum vivum pro se postulante, dicente altera: Filius meus vivit, & filius tuus mortuus est: altera respondente: Non; sed filius tuus mortuus est, meus autem vivit.

Rex, quo litem hanc dirimeret, gladium afferri, coque vivum infantem in duas partes dividi, & dimidiam partem uni, & dimidiam partem alteri dari jussit. Dixit autem mulier, cuius filius erat vivus ad regem: incaluerunt quippe viscera ejus super filio suo. Obscero Domine, date illi infantem vivum, & nolite interficere eum: Econtrario illa dicebat: nec mihi nec tibi sit, sed dividatur. Hinc Rex colligebat, eam, quæ infantem divisum nolebat, veram matrem esse, eique vivum dare jubebat, 1. Reg. 3. v. 16. seqq.

Hæc mystice scopo nostro applicare possumus.

Christus celestis Salomo, sive princeps pacis est. Justificati enim ex fide, pacem habemus ad Deum, per Dominum nostrum Jesum Christum, Rom. 5. 1. Ideo exclamat: Ecce! hic plus quam Salomo, Mat. 12. v. 41. Sicut igitur Salomonem duæ meretrices

accesserunt, cum vivo & mortuo infante, quarum haec dixit: filius meus vivit, & tuus mortuus est: illa respondit: Non, sed filius tuus mortuus est, meus autem vivit: Sic audiimus in prælecto Evangelio, dissimiles duas personas ascendisse in templum, ut orarent, Phariseum videlicet & publicanum. Phariseus fuit hypocrita, per opera legis justificari satagens, cumtamen lex data non sit, quæ possit justificare, Gal. 3. v. 21. Publicanus vero peccata sua agnoscit, unice confidens in misericordia Patris cœlestis, & merito filii sui unigeniti, quem nobis proposuit *in hoc tempore* per fidem in sanguine ipsius, Rom. 3. v. 25. hæc fiducia fretus, peccatum suum percussit, dicens: Deus, propitius esto mihi peccatori!

Quod si nos hic judicium ferre debuissimus, procul dubio phariseo palnam in sanctitate dedilsemus, qui mirum in modum de bonis suis operibus gloriari scivit: Publicanus vero tantis peccatis oneratus erat, ut attollere oculos ad cœlum minus auderet. Verum cœlestis Salomo, qui non secundum visionem oculorum judicat, neque secundum auditum aurium arguit, Esa. 11. v. 3. sed cor intuctur, 1. Reg. 16. v. 7. & agnoscit omnem operam hominis, Sir. 15. v. 20. ejusmodi judicium fert, quod Phariseus in peccatis maneat: Publicanus autem in domum suam justificatus descendat, *præ illo*.

Nos

Nos ad ipsum Evangelium pergentes considerabimus ex eodem :

- I. Αὐτοὶ πολλοὶ εἰς τὴν γνῶσην τοῦ Ιησοῦ.
- II. Χριστιανοὶ εἰς τὴν γνῶσην τοῦ Ιησοῦ.

J. J.

### Exegetis.

**A**Bominatio Domini est omnis arrogans, ait Salomo, Prov. 16.v.5. hoc perspicimus in Pharisæo, qui ob animi fastum, quo propter opera bona efferebatur, à Domino reprobatus est.

Nos hinc ansam capiemus, ad *notitiam nostri meditandam*, ubi spectabimus :

I. *Pharisæicam presumptionem*. In seipso enim confidebat, quod esset justus, & adsperrabatur ceteros, inquiens : Deus, gratias ago tibi, quia non sum, sicut ceteri hominum : raptore, injusti, adulteri, velut etiam hic publicanus.

Tempore Christi inter Iudeos tres sectæ erant, videlicet *Pharisæorum, Sadduceorum & Essorum*. *Pharisæi* homines eruditierant, qui iactabant, se clavem scientiæ habere, Luc. 11.v.52. Ideoque aliis se prærebant, unde etiam *Pharisæi*, h. e. separati dicebantur.

*Sadducei* erant Epicuri de grege porci, neque mortuorum resurrectionem, neque Angelos & spiritus credentes, Matth. 22.v.23. Act. 23.v.6.

*Essai* vero boni hortulani & operarii erant in cœlibatu & solitudine degentes, & omnium bonorum communionem habentes. In N.T. nulla eorum mentio fit quamvis à Josepho & aliis Scriptoribus mirifice commendentur.

Inter hos *Pharisæi* palmam obtinuerunt, utpote qui assidue in scriptis Mosis & Prophetarum versabantur, & in peculiari Col-

legio, quod Hierosolymis habebant, studiose juventuti legem Dei interpretabantur. Habebant præterea alia quoque exercitia quibus corpus affligebant, quibusque cœlum se promerituros esse, sperabant. Josephus & Epiphanius memorant, quod noctu lapides & spineta capiti pro pulvinari substraverint, quo justo tempore expurgisci & devotionem suam habere potuerint.

Hoc exterius *speciem sanctitatis* habuit : sicut & *Phariseus* in Evangelio ab omni peccato immunem se deprædicat, adeo operibus suis superbians, quasi legem Dei perfecte implevisset. Juxta primum enim præceptum profitetur se eum, qui Deum recte agnoscat: juxta secundum eum, qui Deo pro beneficiis suis gratias agat. Juxta tertium, illum, qui templum ingrediatur, ut oret. Juxta quartum, qui magistratui & Sacerdotibus decimas sine fraude largiatur. Juxta quintum & octavum, illum, qui ab injustitia & vindictæ cupiditate alienus sit. Juxta sextum, quod nullus adulter. Juxta septimum nullus raptor, juxta nonum & decimum quod plus fecerit, quam sibi à Deo mandatum sit: jejunare enim se bis in sabbatho, & dare decimas omnium, quæ possidat. Hoc quasi opus supererogationis erat, quod omittere potuisset, nisi devocio eum inflammasset: *Iudeis* enim anniversarie semel duntaxat jejuniū injunctum erat, Levit. 23.v.27. Fruetus quoque & pecora nominetenus expressa erant, de quibus decimas dare jussi sunt, nempe defrugibus, oleo, & vino, Deut. 25,17. de pomis arborum, bobus & ovibus, Levit. 23. ver.30. Aliæ res viliores decimis exemptæ erant. Sed *Pharisæi* sepius jejunabant, & decimabant mentham,

Qa 2. &a-